

յայտնի է, նա այժմ թոյլ չի տալիս բէգերին, որ անկարգութիւններ անեն եւ հսկում է նրանց վարք ու բարքի վրայ, բայց ես չէի ուզի, որ վրաց կառավարութիւնը մտածի, թէ ես պաշտպանում եմ նրան. ես, ընդհակառակը, պէտք է ասեմ ձեզ, որ աչալուրջ հետեւում եմ նրան»:

Թորտանիա.— «Ես երէկ Բորժոմ էի եւ հաստատ գիտեմ, որ Աթաբէգովը դանոււմ է մեր դէմ պատերազմող հրոսախմբերի դիւին: Նոյնիսկ աւելին կ'ասեմ. նա մեզ մօտ ուղարկեց մի զերի վրացի սպայ հետեւեալ տեսակի վերջնագրով. որովհետեւ թիֆլիսում ձերբակալուած են երեք թիւրք զործակալներ, որոնք քարոզչութիւն էին անում Արտահանի եւ Բաթումի շրջանները նոր կազմուող մահմետական պետութիւններին կցուելու օգտին, եթէ մենք նրանց անմիջապէս ազատ չարձակենք, մեր բոլոր զերիներն կ'ոկորդը կը կարեն»:

Զօր. Ուօկիկեր.— «Դժբախտաբար, մեզ յաճախ խոստանում են ներկայացնել փաստաթղթեր հաստատելու համար այս կամ այն պարագան, բայց մենք չենք ստանում»:

Թորտանիա.— «Զօրավարը կարող է իմ հաղորդած փաստի մասին հարցնել այն անդլիացի սպային, որը եկաւ մեզ մօտ նոյն այն զերիի հետ, որը յանձնեց վրաց հրամանատարութեան պարոն Աթաբէգովի վերջնադիրը»:

Զօր. Ուօկիկեր.— «Ես պէտք է հրաւիրեմ վարչապետի ուշադրութիւնը այն բանի վրայ, որ թէեւ մտադիր չէի խառնուել Վրաստանի ներքին գործերին, բայց հարկադրուած եմ հաղորդել ձեզ հետեւեալը. «Բոորա» լրագիրը որոշ ժամանակից ի վեր իր էջերում տեղաւորում է յօդուածներ Դաշնակիցներին եւ, ի մասնաւորի, Անդլիայի հասցէին, որոնք ես գտնում եմ բացարձակապէս անհանդուրժելի: Ես պէտք է նախազգուշացնեմ վրաց կառավարութիւնը, որ եթէ նա չի հրամայի այդ թերթին զարդեցնել նման արշուանքը եւ այդ կարգի յօդուածները կը շարունակեն տպուել, իսկ Վրաստանի կառավարութիւնը այդ դէպքում չի փակի «Բոորա»ն, ես ինքս ստիպուած կը լինեմ վերջ տալ այդ թերթի գոյութեան տեսնելով նրա մէջ զետեղուած յօդուածներում

բացայայտ անարդանք Դաշնակից պետութիւններին»:

Թորտանիա.— «Նախ եւ առաջ, մենք չունինք նախնական գրաքննութիւն, իսկ երկրորդ՝ Վրաստանի հանրապետութեան մամուլը՝ հանդիսանալով հանրային կարծիքի արտայայտիչ, կարող էր հրատարակել քաղաքացիների յուզուած կարծիքի վիճակն արտայայտող այս կամ այն յօդուածը: Միաժամանակ ես ուզում եմ ասել ձեզ, որ կարդալով բոլոր թերթերը, ես ոչ մէկի մէջ չեմ հանդիպել վիրաւորանք Դաշնակիցներին հասցէին կամ որեւէ մեղադրանք՝ ուղղուած Անդլիային կամ անդլիական հրամանատարութեան: Միակ բանը, որ կարմիր թելի պէս անցնում է բոլոր յօդուածներից, այդ ցանկութիւնն է իմանալու, թէ ի՞նչ են ուզում անդլիացիք, որոնք եկել են մեզ մօտ, իբր թէ, կարգ հաստատելու, մինչդեռ նրանց պալով երկիրը աւելի եւ աւելի բռնում են քայքայում ու անկարգութիւնները: Այնպէս որ, եթէ մամուլի ոճը պիտի փոխուի, նա կը փոխուի դէպքերի փոփոխումով երկրում»:

Զօր. Ուօկիկեր.— «Յոյս ունեմ»:

Թորտանիա.— «Բայց եթէ կառավարութիւնը տեսնի, որ որեւէ թերթում տպուած են Դաշնակիցներին դէմ ուղղուած յօդուածներ, այդպիսի քայլեր մամուլի կողմից մենք ինքներս էլ թոյլ չենք տալ: Իսկ եթէ այդ տեսակէտից որեւէ բան, հետեւելու կարելիութիւն չլինելու պատճառով, բաց է թողնուած, ես խնդրում եմ իմացնել մեզ այդ մասին, եւ կառավարութիւնը ձեռք կ'առնէ ամէն միջոց նրան յօդուածների կրկնութիւնը կանխելու համար»:

Զօր. Ուօկիկեր.— «Ես անձամբ չեմ կարդացել, բայց գիտեմ, որ «Սաքաբթվիլուս»-ի մէջ երեւացել է մի յօդուած, որը ցոյց է տալիս, թէ ի՞նչն է մեզ ցանկալի տեսնել մամուլի մէջ, ի հարկէ, Դաշնակիցներին վերաբերմամբ: Այժմ ես անցնում եմ գնդ. Շմաղալովին եւ Դենիկինի շարժման կապակցութեամբ ձերբակալուած ուս սպաների հարցին. Գնդ. Շմաղալովը հիւանդացել է վատ վերաբերումի պատճառով նրա հետ, բայց եթէ նա մեռնի, ես պէտք է նախազգուշացնեմ, որ պատասխա-